



Ođas jahkái 2013:
Eai leat ođđa poasttat.

Aiddostahttin!

7000-7080 poasttat galget adnot dušše fievruidde! Golut mat gullet mašinnaide ja reaidduide mat adnojit buvttadeamis (omd. tráktor, goaivunmašiidna, gordneráddji, gálvodoalli, showel, jna.) galget čállot 6200, 6695 ja 7500 poasttaide.

Gii galgá Ealáhusdieđáhus 1 addit?

Ealáhusdoallit leat geatnegasat addit ealáhusdieđáhusa vrd. livnnetlága § 4-4 (1). Ealáhusdieđáhus 1 lea erenoamážit heivehuvvon daid ealáhusdoalliide guđet eai leat jahkedoallogeatnegasat rehketdoallolága § 1-2 mielde. Guhte addá ealáhusdieđáhusa, son lea girjedoaallogeatnegas girjedoaalolága mielde. Jus muhtin fitnodat/ealáhusdoalli mii/guhte ii leat jahkerektoallogeatnegas rehketdoallolága mielde, eaktodáhtolaččat gárvvista dievas jahkeloahpparehkega rehketdoallolága mearrádu-said mielde, sáhtá RF-1167 «Ealáhusdieđáhus 2 2013» adnot dan sadjái go Ealáhusdieđáhus 1.

Guđet eai adno leamen ealáhusdoallin (eai leat geatnegasat addit ealáhusdieđáhusa), muhto láigo-hit giddodagaid, galget atnit RF-1189 «Giddodaga láigoheami jna. 2013» skovi. Dát guoská dalle go láigoha eanadoalloareáid ja eanadoalu ássanviesu.

Ovttaoalbmofitnodagat main leat eanet go 20 bargi, dahje main oppalaš háldoomiid árvu lea badjil 20 miljovna kruvno, galget addit Ealáhusdieđáhus 2.

Govvadáiddárat guđet dušše dáidaga buvttadiid nugo čilgejuvvo lágas geassemánu 19.b. 2009 nr. 58 lassiarvodivada birra § 3-7 njealját lađđasis, eai galgga addit Ealáhusdieđáhus 1. Sii galget addit RF-1242 «Næringsoppgave for billedkunstnere 2013».

Vásttolaš fidnut ja kommandihhtafidnut galget dábálaččat addit Ealáhusdieđáhus 1 oktan fidnodieđáhusain, jus fidnus lea vuollel vihtta miljovna kruvno vuovdinboahu, vuollel vihtta bargi ja vuollel guhtta oassálasti. Fidnu sáhtá välljet dan sadjái addit Ealáhusdieđáhus 2. Jus buot bajábealde namuhuvvon eavttut eai leat devdon, dahje jus oktage oassálasti lea juridih-

kalaš persovdna ráddjejuvvo ovddasvástádušain, de lea fidnu jahkerektoallogeatnegas. Jahkerektoallogeatnegas fidnut galget addit Ealáhusdieđáhus 2 oktan fidnodieđáhusain.

Ovttastusfidnut mat jođihit doaimma ja main jahkái lea vuollel guokte miljon kruvno ovddas vuovdinboadut, leat dušše girjedoaallogeatnegasat. Dat sáhttet välljet addetgo Ealáhusdieđáhus 1 vai 2.

Oasusfidnut galget atnit Ealáhusdieđáhus 2.

Vearohis ásašusat mat datte leat vearrogeatnegasat, ja mat leat girjedoaallogeatnegasat, sáhttet atnit Ealáhusdieđáhus 1 RF-1028 «Selvangivelse for aksjeselskaper mv. 2013» mielddusin.

Gieldda fitnodagat mat leat gieldas oassin juridihkalaš persovdnan, ja mat čuvvot gieldda prinsihpaid jahkerektoallogeatnegasat, galget dábálaččat addit Ealáhusdieđáhus 1. Jus dat gieldda fitnodat eaktodáhtolaččat gárvvista dievas jahkeloahpparehkega, gergejuvvo ja árvvoštallon rehketdoallolága mearrádu-said mielde, de sáhtá fitnodat dan sadjái addit Ealáhusdieđáhus 2.

Dušše okta ealáhusdieđáhus!

Galgá addit dušše ovttá gáhppálaga Ealáhusdieđáhus 1, vaikke jođihuvvojitge mánnga ealáhusa. Dát guoská sihke elektrovnnalaš addimii ja bábirhámis addimii.

Gii sáhtá luvvejuvvo ealáhusdieđáhusa addimis?

Ovttaoalbmofitnodagaide mat jođihit doaimma, ja main dan jagis eai leat leamaš brutto doalloboadut (vástideaddji ealáhusdieđáhusa 9900 poastta) badjel 50 000 kr, lea álggahuvvo raporterentnet ahte luvvejuvvo addit ealáhusdieđáhusa vearrodieđáhusa mielddusin. Dál lea vuossámuš ráddjejuvvo gii dán ortnega sáhtá atnit. Dárkilat ortnega birra, ja gii dan sáhtá atnit, geahča RF-2003 «Álggahanveahkki ealáhusdoalliide 2013».

Ealáhusdieđáhusii mildosat

Visot eanadoalu/šaddogárdi, vuovde- doalu, náhkkeealliealáhusa ja boazodoalu ealáhusdoallit galget oktan ealáhusdieđáhusain addit RF-1177 «Eanadoallu 2013». Dása lea ráhkaduvvon sierra bagadus, RF-1178.

Buohkat guđet addet Ealáhusdieđáhus 1, fertejit dábálaččat vel addit RF-1084 «Vuolidahttin 2013», ja jus leš guoskevaš, RF-1219 «Vuoto- ja massinkontu 2013». Ovttaoalbmofitnodat mas lea ealáhusboahu, galgá vel addit RF-1224 «Ovttaoalbmofitnodaga personboahu 2013».

Jus gáibiduvvo geasus goluid ovddas mat gullet stašunovdnii, gálvobii- lii, vuollil 7,5 tonna guorbmebiilli dahje personbiilli (vuddjon badjil 6000 km ealáhusas), de galgá RF-1125 «Biilaatnu 2013» addot oktan vearro- dieđáhusain.

Guolásteaddjit ja bivdit guđet jođihit doaimma ja guđet leat girjedoa- llogeatnegasat, galget oktan vearro- dieđáhusain addit Ealáhusdieđáhus 1 ja RF-1213 «Fiske 2013» oktan B ja C devdovuvvo osiiguin. Guđet eai ieža jođit doaimma (omd. dábálaš oasse- bivdi) galget addit dušše RF-1213.

Buohkat guđet jođihit **sáhttobiila- ja guorbmebiilaealáhusa**, galget ealá- husdieđáhusa mielddusin deavdit RF- 1223 «Drosje- og lastebilnæring 2013».

Buohkat guđet jođihit **ijastallan- ja guossohanbáikki** vuolla-, viidna- dahje buolleviidnadárjodanvuogavuo- đain, galget ealáhusdieđáhusa miel- dusin deavdit ja addit RF-1122 «Over- nappings- og serveringssted 2013».

Dieđáhusa addima birra

Vearrodieđáhusa, ealáhusdieđáhusa ja eará geatnegas skoviid sáhtá addit elektrovnnalaččat Altinn bokte, geahča vearrodieđáhusa bagadusa ja neahhta- báikki www.skatteetaten.no

Jus vällje addit ealáhusdieđáhusa bábirhámis, de sáhtá addit dihtorskovi Ealáhusdieđáhus 1 sajis, vrd. Vearro- direktoráhta addán golggotmánu 24.b. 1988 lánkaásahusain, mas leat biena- laš gáibádušat čállosa sisdoalu, hámi ja dási/formáhta dáfus.

Dieđut rehketdoalli birra

Rehketdoalliid autorisašunlága § 3 mielde galgá boittolaga rehketdoalli nama ja gávpečujuhusa čállit visot dokumeanttaide maid rehketdoalli gárvvista bargoaddá. 1 siiddus badjin lea sierra sadji dan várás. Galgá vel almmuhit leago ekstearna rehketdoalli čállán rehketdoalu ja/dahje deavdán ealáhusdieđáhusa.

Revisor sáhtá guđii ii leat revišunkli- eanta, gárvvistit jahkerektoallogeatnegasat.

vaikke ii leat autoriserejuvvon rehketoalli, geahča boddosaš lánkaásahusa 24.11.2012 nr. 1134. Boddosaš lánkaásahusa mielde ii dárbaš fitnodat Enhetsregisterii čállit revisora rehketoallin. Jus revisor ii leat čállon Enhetsregisterii fitnodaga rehketoallin, de ii galgga merkejuvvot olgguldast rehketoalli sadjái, jus dát revisor lea gárvvistan rehketoalu ja/dahje deavdán ealáhusdieđáhusa.

Vearrogeatnegas moatti gildii

Jus lea vearrogeatnegas moatti gildii, de addo vearrodieđáhus oktan visot geatnegas mildosiiguin seamma vearrokantuvrii. Seamma guoská oassálastilivdnejuvvon fidnui mii addá fidnodieđáhusa geatnegas mildosiiguin. Ovttaolbmofitnodat mii lea vearrogeatnegas moatti gildii, ávžžuhuvvo addit RF-1034 «Fordeling av inntekt og formue mellom kommuner 2013» oktan vearrodieđáhusain.

Erenoamážit mo skovis geavahit ovdamerkestagaid

Váldoregel:

Dábálaččat galgá merket buot loguid ovdamerkestaga haga, go čilgehusas čielgasit boahá ovdan, lasihuvvogo lohku vai gessojuvvogo dat dan oktavuodas go čállo dasa. Ii galgga čállit minusmearkka, go teavstta mielde lea sáhka goluin, vuollebáhcagis jna., ja vástideaddji ii čále plusmearkka boađuin, badjebáhcagis jna. Dát ovdamearka govve dás spiehkastaga:

Juogaman láigohandoaimmas leat boahtojagis leamaš eanet golut go boadut:

boadut	30.000
<u>golut</u>	<u>35.000</u>
vuollebáza	-5.000

Vai sáhtá dán 5 000 kruvdnosaš vuollebáhcaga čállit dakkár postii mas lea «Boahtu láigoheamis» čilgehus-teavsttas, de ferte submi biddjot negatiivva ovdamerkestagain vai dan sáhtá geassit – dat han lea gollu (nuppegežiid go čilgehusas) iige boahtu.

Aiddostahttimat:

Jus juogaman sadjái lea ovdagihit juo prentejuvvon ovdamerkestat (positiiva dahje negatiiva), de galgá dieđihit logu ovdamerkestaga haga. Ovdamerkestat adno dušše dalle go háliida almmuhit logu, mas lea nuppelágan ovdamerkestat go mii ovdagihit lea prentejuvvon.

Subme- ja boadussajiin adno álo minusmearka go submi lea negatiiva.

Ealáhusdieđáhusa 1 siidu

Ovttaolbmofitnodagat galget ealáhusdieđáhusii čállit riegádanummara (11 logu), ja fidnut fas galget čállit organisašunnummara. Jus fitnodat lea eará gielddas go doaimmaheadji ássanbáikegielddas, de galgá fitnodaga čujuhus čállot skovvá. Dása čállo vel galle jahke barggu bargit barget rehketoallogagis. Ovdamearka dihtii guovtti 50 %-virggis šaddá olles jahke bargu.

Gálvorádjosa čielggadeapmi

Gálvorádjosa verolaš árvun galgá bidjat háhkanárvvu. Gálvvuide maid lea ráhkadan doaimmas, biddjo rájusmeari árvu ráhkadanárvun, namalassii njuolga ráhkadangeluid árvun, masa gullet vuoddoávdnasat, beallefabrikáhtat, veahkeávdnasat (boaldámuš, vuoidasat, buvttadanrávdnji jna.) ja buvttadanbálkka.

Ráhkadanárvu biddjo huksemiida/rusttegiidda maid cegge iežas rehkega ala vuovdima várás.

Girjelágádusain ja girjegávppiin lea dihto eavttuid mielde vuogasvuohhta spiehkastit ráhkadan- ja háhkanárvvus bijadettiin girjiid árvvu, vrd. Finánsa-departemeantta skábmamánu 19.b. 1999 lánkaásahusa nr 1158 §14-5.

0110 – 0170 poasttat

Gálvorádjosa verolaš árvvu galgá čállit 0110-0165 poasttaide. 0170 poastta submi sirdo balánssa 1495 postii ja (earret eanadoalu, 0150 ja 0160 poasttaid) RF-1030 «Ealáhusdoalliid vearrodieđáhus 2013» 4.4.3 postii. Gálvorájus árvvoštallo FIFU-vuoddojurdaga mielde, jus gálvvuid ii sáhte sirret. 0150 ja 0160 poasttaid galget dušše eanadoalu ealáhusdoallit atnit, geahča RF-1178 «RF-1177 Eanadoalu ja RF-1175 Ealáhusdieđáhus 1 2013 bagadusa».

Bruttodienas oston gálvvuin vuovdima várás

Čielggadeami ulbmilin lea gávnnahit mii doaimmas lea olahuvvon bruttodienas (0260 poasta) gávpegálvvuid gálvojođus. 0240 postii čállojit visot vuovdinboadut mat vižžojit 3000, 3100 ja 3200 poasttain.

0270 ja 0280 poasta – ovtastusfidnu várás

Poasttaid galget deavdit ovtastusfidnut mat leat logahallon fitnodatregistariid ovtastusfidnun (SA) ja ovtastusfidnut mat jodihit dohkkhejuvvon ovtastusfidnoprinsihpaid mielde, vrd. ovtastuslága § 163 boddosaš regeliid.

0270 postii čállo ollislaš vearrogeat-

negas ealáhusboahtu ovdal gessosa vearrolága § 10-50 mielde. Dát boahtu lea mielde vuodus meroštallat vearrogeatnegas ealáhusboahdu go lea iežas miellahtuin gávppašan, geahča 0280 poastta.

0280 poastta submi čilge gessosa alimus meari vearrolága § 10-50 mielde.

0270 postii čállo vearrogeatnegas boahdu submi 9940 poasttas, dahje divvojuvvon boađuin ja gessosiin mat leat čállon njuolga RF-1028:i «Selvangelvise for aksjeselskap mv. 2013».

Boahtu gálvojođus iežas miellahtuiguin (alimus ovtastusfidnogeasus) meroštallo cuovkkas ná:

Cuovkasárgá bajábealde:

Olles vearrogeatnegas ealáhusboahtu geardduhuvvon brutto gálvojođuin (oastin dahje vuovdin) juogadasoamasteaddjiide/miellahtuide dahje juogadasoamasteaddjiin/miellahtuain.

Cuovkasárgá vulobealde:

Fitnodaga dábalaš gálvojohtu

Dieđut gálvojođu birra juogadasoamasteaddjiiguin/miellahtuiguin ja dássalaga gálvojohtu vižžo vearrodieđáhusa 1 siiddu 101 ja 102 poasttain.

Ealáhusboahtu ja gálvojohtu ja manjemáksin (bonus) ja eará juogadeamit almmuhuvvojit lád haga.

Kunddarčavgumušaid verolaš árvu

Kunddarčavgumušaid šablongameroštallon massimiid birra čujuhuvvo Finánsa-departemeantta skábmamánu 19.b. 1999 lánkaásahussii nr 1158 § 14-5 b bustávvi.

0300 poasta:

Aiddoálggahuvvon doaibma sáhtá válljet árvonjeaidit mávssekeahes kunddarčavgumušaid 2 %:in álgganhanjagi loahpas ja dan guokte čuovvovaš boahtojagi, vrd. vearrolága § 14-5 njealját lađđasa. Dalle russejuvvo 0300 poasttas. Eai devdo rubrikkat kunddarčavgumušaid gávnnahejuvvon massimis ja kredittavuovdimis, muhto 2 % árvonjeaidin gal čállo geasurubrihkii 2013 ovdas – 0320 postii.

0310-0332 poasttat

Dása váldojit mielde sihke buvttarehkega čállon ja buvttarehkega čálekeahes kunddarčavgumušat.

0310 postii čállojit 31.12.13 ja 31.12.12 árvvu kunddarčavgumušat. Kunddarčavgumušaid verolaš árvonjeaidin čállo 0320 postii. 0330 poastta verolaš árvu sáhtá dihto háviid šaddat negatiiva. Dákkár árvonjeaidin galgá álo oidnot go supmit leat devdon

bajásbidjamii. 0330 poastta verolaš árvu juogaduvvo 0331 ja 0332 poasttaide ja sirdo balánsii.

Ealáhusdieđáhusa 2 ja 3 siiddut

Oppalaččat bohtosa ja balánsa birra

Boađus ja balánsa galget čájehit verolaš bohtosa ja verolaš árvvuid. Nummarastin čuovvu nu guhkás go vejolaš Norsk Standard, NS 4102, 5. dead-dileami. Datte lea adnon njealji nummara dássi.

Verolaš boađusrehketdoallu

3000 poasta Vuovdinboahu ja atnuiváldimat – divatgeatnegas

Dása čállo dán áigodaga divatgeatnegas vuovdima boahu ja gálvvuid ja bálvalusaid atnuiváldima árvu. Vuovdin/atnuiváldin čállo lassiarvodivada haga. Fitnodaga ossodagaid gaskasaš siskkáldas sirdimiid ii galgga váldit mielde.

Guoli vuovdimis gullá boađuide haddedoarjja js., mii lea mielde bivdorehkenastimis, muhto vuovdinfidnuide divatgessosa manjil. Almmolaš divadat, omd. guolástusa buvttadivat galgá leat mielde, muhto vuoládušat, máhcaheamit js. galget leat gesson. Buvttadivat gesso 3300 poasttas. Doaimmat main lea divatkeahkes gálvojohtu, čállit dan 3100 dahje 3200 postii, geahča vulobealde.

3100 poasta Vuovlassiarvodinboahu ja atnuiváldimat – divatkeahhtá lassiarvodivatlágas

Dása čállo divatkeahkes vuovdima boahu ja gálvvuid ja bálvalusaid atnuiváldima árvu dan áigodagas maidda lassiarvodivatregelat gullet. Gálvvuid jna. vuovdimis, mat eai leat lád-lága vuolássažan, čállojit 3200 postii.

Eaiggáda/oassálasti ja bargi guliid váldimat doaimmas váldojit dása mielde. Eaiggádii/oassálastái ávkin váldon guliid árvu biddjo dan haddái man sáhtášii oažžut go dábálaččat jođiha guliid. Eaiggáda/oassálasti guliid váldimat galget dasa lassin boahhtit ovdan 2064 poasttas.

3200 poasta Vuovlassiarvodivatlágadinboahu ja atnuiváldimat – lassiarvodivatlága boittolaga

Dása čállo divatkeahkes vuovdimis boahu ja gálvvuid ja bálvalusaid atnuiváldima árvu dan áigodagas mii lea lassiarvodivatlága boittolaga. Ovdamearkkat dakkár boađuin leat doavttirdoaimma, oahpahusbálvalusat jna.

3300 poasta Almmolaš divadat vuovdimis

Dát poasta fátmasta visot daid erenoamáš almmolaš divadiid (sier-radivadiid) mat gullet 3000, 3100 ja 3200 poasttaide. Dása merkejuvvo ee. guolásteami buvttadivat. Dán poastta galgá geassit doalloboađuin.

3400 poasta Almmolaš doarjagat/ruovttoluottamáksimat

Dása čállojit almmolaš doarjagat ja ruovttoluottamáksimat. Dása čállojit ruovttoluottamáksimat álbmotoajus doaktáriid, bátneadoaktáriid ja fysioterapevttaid jna. dikšumiidda. Dása čállá vel oahpahallidoarjaga, bagadallidoarjaga js. Erenoamáš doarjagat omd. reantoruhaveahkki, máksinnákadoarjagat, investerendoarjagat jna. eai čállo dása, muhto váldojit mielde 3900 poasttas, «Eará doalloboađut».

3600 poasta Láigoboahu giddodagas

Dása čállo láigoheami láigoboahu ja iežas anu árvu buot áđalaš kapitálas (giddodat, dállo, gávpeopmodat jna.), mii ii leat lassiarvodivatgeatnegas.

3605 poasta Láigoboahu giddodat – divatgeatnegas

Dása čállo ee. láigoboahu giddodagas go láigolaš lea eaktodáhtolaččat logahallon lassiarvodivatregistaris.

3650 poasta Vuogitvuodáid láigoheapmi – bivdu, guolástus jna.

Dása čállojit láigoboahut iešguđetlágan vuogitvuodáin mat gullet giddodahkii.

3695 poasta Eará láigoboahut

Dása čállo doallogándimiid jna. láigoboahu mii lea divatgeatnegas.

3700 poasta Provišunboahu

Dása čállo provišunvuovdimiid, royaltý, liseansaboahuid js. boahu.

3890 poasta Positiivva vuoto-/massinkonttus boahčoállin

Galgá čállit vuoto- ja massinkonttu juohke ealáhusa nammii. Dán postii čállo jagáš juogadas vearrogeatnegas boađus positiivva vuoto-/massinkonttus.

Juohke vuoto- ja massinkonttu galgá dieđihuvvot RF-1219 «Vuoto- ja massinkonttu 2013» skovis.

3895 poasta Saldos boahčoállin

Dása čállo jagáš negatiivva saldo vearrogeatnegas oassi. Dása galgá čállot vel vejolaš máksu doallobiergasa realisašuvnnas, mii realisašuvnagis válljejuvvo ollásit dahje belo-

hahkii boahčoállot. Supmit váldojit RF-1084 «Vuolidahttin 2013» 107 poasttas ja/dahje 110 poasttas.

3900 poasta Eará doalloboađut

Dása čállojit eará doalloboađut mat eai leat ovddabeale poasttain mielde, ee. reanttut kunddarčavgumušain.

Dása 3900 postii čállo boahčoállon máksu vuolidahttinkeahkes doallobiergasiid realisašuvnnas.

Oassesállaša maid girjedoallogeatnegas guolásteaddji oažžu eará heavsmánnis, galgá dása čállot. Vuostáiváldon buohcoruhta galgá boahčoállot njuolga vearrodieđáhusa 2.7.13 postii ja 1.6.3/1.6.4 postii. Ožžon buohcoruhta ealáhusdoalliin guđiin lea bearašmánáidgárdi ruovtustis, galgá čállot 1.6.3 ja 2.1.3 poasttaide. Buohcoruhta ii galgga čállit boađusrehketdollui. Jus submi čállo rehketdollui, de dat galgá čállot iežaskapitaldivvumin 2058 postii.

Ealáhusdoalliide guđet leat ovttas-tusfidnu miellahtut, leat manjemáksin, bonus, oastinfinet dábálaččat vearrogeatnegas ealáhusboahu go manjemávssu, ja/dahje bonusmávssu vuodđu lea gávppašepmi ovttas-tusfidnuin, ja gávppašepmi lea miellahtu ealáhusdoaimma oktavuodas.

4005 Gálvogolut

Dása čállo vuvdon gálvvuid oastinhad-di (1 siiddu 0250 poasta) dakkár gálvojođus mii lea mielde 3000, 3100 ja 3200 poasttain. Vuodđoávnnasrádjosa, oston beallefabrikántaid ja oston gálvvuid vuovdima várás árvonuppástus galgá dán poasttas leat mielde. Dan fidne go bidjá oktii rájusgálvvuid árvonuppástusaid, mat bohtet ovdan 1 siiddu 0110 ja 0140 poasttain.

Ukuránsa ja haddenjiedjanriskka árvonjeaidima ii sáhte váldit mielde, go das galgá atnit gálvorádjosa verolaš árvvuid.

4295 poasta Rájusmeari nuppástus daid gálvvuin maid lea ráhkadeamen ja gárvves ráhkaduvvon gálvvuin

Dása čállo rájusmeari árvonuppástus daid gálvvuin maid lea ráhkadeamen ja gárvves ráhkaduvvon gálvvuin. Rádjosa guorranepmi lasiha goluid, ja merkejuvvo positiivva submin ovdamerkestaga haga. Rádjosa lassáneapmi vuolida goluid ja merkejuvvo negatiivva submin minus-ovdamerkestagain. Nuppástussupmi vuodđun leat verolaš árvvut mat bohtet ovdan 1 siiddu 0120 ja 0130 poasttain.

4500 poasta Vieris bálvalusat ja vuollebálvalusbargu

Dasa čállojit láigohuvvon bargofámu ja vuolleentreprenerraid golut jus dat gusket 4005, 4295 ja 4995 poasttaide.

4995 poasta lešráhkaduvvon ráhkadusneavvuid rájusmeari nuppástus

Dása čálo iešráhkaduvvon ráhkadusneavvuid rájusmeari árvonuppástus. Dán postii čálo vel aktiverejuvvon goluid vejolaš máhcaheapmi, iige das nappo leat ovdagihtii prentejuvvon ovdamerkestat – poasta sáhtta šaddat sihke postiivan ja negatiivan.

5000 poasta Báلكkát, luopmoruđat jna.

Dán postii čállojit buotlágan báلكkát bálvalusaid oktavuodas. Submi mii dása galgá čállot, lea sihke dieđihangeatnegas ja bargoaddivatgeatnegas. Mearraalmáid báلكá čálo dása, muhto doaibmi guolásteaddji báلكá ii datte leat bargoaddivatgeatnegas. Dása čálo oktagaslaš heaggareantodáhkádusa premiija ja kapitáladáhkádusa mii lea buorrin bargái. Oktasaš heaggadáhkádusortnegiid premiija sáhtta meannudit geasusvuoigaduvvon báلكágollun ja čálo dalle dása. Go oktasaš heaggareantodáhkádusa premiija ii meannuduvvo báلكán, de čálo dat 5900 postii. Heaggareantortnegiid ja kapitáladáhkádusaid premiija lea álo bargoaddivatgeatnegas, go ortnegat leat bargái buorrin.

5300 poasta Eará dieđihangeatnegas buhtadus

Dása čállojit iehčanas ealáhusdoalli golut mat leat dieđihangeatnegasat, muhto eai bargoaddivatgeatnegasat. Ovdamearka: Guolástusas ja bivddus oassesállaša ovddas máksin.

5420 poasta Dieđihangeatnegas penšungolot

Dása čállojit čoggon penšunmáksimiid golut.

5600 poasta ANS/DA jna. oama-steaddjiide bargobuhtadus

Dása čálo ereiliiggánis buhtadus (bargobuhtadus) oassálastilivdnejuvvon fidnu oassálastái fidnolága § 2-25 mielde, vrd. § 2-26 vuosttas lađđasiin. Oassálastilivdnejuvvon fidnu oassálastái oassesállaš váldo dása mielde. Submái galgá gullat tariffannejuvvon páhkádáhkádusa mákson premiija.

5900 poasta Eará bargoveahkagolot

Dása čállojit earret eará skearkkat bargiide, nuvtá káffádaga, kurssaid, fitnodatbarnta, ámmátdáluid, fitnodatvaláštallanservviid js. golut. Mákson premiija fidnovahátdáhkádusa lága mielde, čálo dása. Buohco- ja lihko-hisvuodádháhkádusa lassipremiija, earret láhkamearriduvvon fidnovahátdáhkádusa galgá datte, go báلكkolažžii lea dat buorrin, meannuduvvot báلكán ja čállot 5000 postii.

Dása čálo vel fitnodatpenšunortnega ja bidjamiidpenšunortnega premiija, ja eará penšungolot, mat gusket duohta attusplánaide.

Fitnodatpenšunortnega ja bidjamiidpenšunortnega premiija ja doarj- ja leat álo geasusvuoigaduvvon. Muđui eai leat vearrogeatnegas boadus geasusvuoigaduvvon dat penšungolot, mat sihkarastet geatnegasvuoda boahttevaš penšunmáksimiidda .

Dáhkádusfidnui geardelunddot premiija dahje gearddelunddot máksin lonuhit oktilaš guoskevaš penšungeatnegasvuodaid ovdeš bargái, lea geasusvuoigaduvvon.

5950 poasta ležas penšunortnet

Dása čálo ruhtabidjan iehčanas ealáhusdoalliide ja oassálastilivdnejuvvon fidnu ovttaskas oassálastái ruhtabidjanpenšunlága regeliid § 2-3 nuppi lađđasa mielde.

6000 poasta Bistevaš doallobiergasiid ja eahpeávnnašlaš vuoigatvuodaid vuolidahttimat

Dása čállojit verolaš vuolidahttimat váldon RF-1084 «Vuolidahttin 2013» skovis. Sihke salduvuolidahttimat (oktan vejolaš guoros positiivva saldo vuolidahttimiin) ja lineára vuolidahttimat galget dás leat mielde.

6200 poasta Energiija, boaldámuš jna. mat gullet buvtadeapmái

Dása čállojit earret eará boaldámušgolot mašiinnaide ja reaiduide mat adnojit buvtadeamis (omd. tráktor, goaivunmašiidna, gordneráddji, gálvodoalli, showel, jna.)

6600 poasta Visttiid divodeamit ja mátasatnu

Dása čállojit divodemiid ja mátasanugolot daid visttiin mat leat doaimma anus. Golot mat dagahit vistti buorebut dássái go ovdal, eai adno mátasatnun. Dakkár golot adnojit goastideapmin ja daid galgá aktiveret.

6695 poasta Divodeamit ja mátasatnu – eará

Dása čállojit divodeamit ja mátasatnudaid mašiinnain, reaiduin js. mat leat leamaš doaimma anus. Dát gusket earret eará tráktorii, goaivunmašiidnii, gordneráddjái, gálvodoalli, showelii jna. Fievrruid divodeami ja mátasanugalgá čállit 7020 postii.

6700 poasta Vieris bálvalusat

Dása čállojit golut omd. ekstearna rehketdoalliide, revisoraide, advokáhtaide, oaivadeaddjiide jna. Dákkár golut ja áššegolot soitet leat geasusvuoigaduvvon jus ášši masa veahkki guoská, njuolga gusto vearrogeatnegas boaduide dahje geasusvuoigaduvvon goluide. Geasusvuoigaduvvama haga golut čállojit 2053 postii.

6995 poasta Kantuvrii, elektrovnnalaš gulahallamii, poastamávssuide jna. golut

Dása čállojit kantorgolot oktan elektrovnnalaš gulahallamii goluiguin (telefonii, giehtatelefonii, internehtii ja sullasaččaide). Dán poastta ferte geahččat ovttas 7098 poasttain ja dát bagadus guoská goappašiid poasttaide.

Elektrovnnalaš gulahallama birra:

Jus dus lea okta elektrovnnalaš gulahallanoapmi, ja olles máksu ealáhusas ja iežat anus (oktan lád:in) šaddá 5000 kr dahje eanet, de galgá «šablonnga» 4000 kr, máhcahuvvot 7098 poasttas.

Jus dus leat eanet go okta gulahallanoapmi, ja olles máksu (oktan lád:in) šaddá 7000 kr dahje eanet, de galgá «šablonnga» 6000 kr, máhcahuvvot 7098 poasttas.

Jus olles máksu šaddá (oktan lád:in) vuollegat go dat bajábeale namuhuvvon ráját, de galgá olles máksu vuoliduvvot 1000 kr:in (bodnegeasus/ ealáhusgollu, 800 kr + lád 200 kr), ja báhcásubmi máhcahuvvot 7098 poasttas.

Ovttaolbmofitnodagat čállit 6995 poasttas brutto mávssu (oktan lád:in) elektrovnnalaš gulahallanomiid ovddas, mat leat sihke ealáhusa ja iežas anus, vuoliduvvon ealáhusbeali lád:in. ležas oassi (šablonnga) máhcahuvvo 7098 postii.

Jus oaivvilda ahte šablonngaid atnu čájeha rivttes gova iežas anus maiddái divatlaččat, de vulobeale ovdamearkeat leat čujuheadjijn:

2 elektrovnnalaš gulahallanoami leat leamaš ealáhusa ja iežas anus. Golut

oktiibuot leat 12 500 kr oktan lád:in. Iežas ovdu mii lánkaásahusa mielde galgá máhcahuvvot 7098 postii, lea 6000 kr. 6995 postii čállo bruttosubmi (12 500 kr) vuoliduvvon «ealáhusgolu» 6500 kr lád-osiin (1300 kr) – namalassii 11 200 kr.

Jus olles máksu (oktan lád:in) atnui nugo bajábealde, lea vuollil 7000 kr, omd. 4500 kr, de galgá lánkaásahusa mielde 1000 kr adnot ealáhusa gollun, ja badjilmanni sirdo 7098 postii iežas ovdun. 6995 postii čállo olles máksu (4500 kr) – «ealáhusgolu» 800 kr lád-oassi (200 kr) – namalassii 4300 kr. Erohus gaskal olles mávssu (4500 kr) ja «ealáhusgolu» + lád (800 + 200) – namalassii 3500 kr, máhcahuvvo iežas ovdun 7098 poasttas.

7000, 7020 ja 7040 poasttat Golut mat dušše gusket fievrriide

7000, 7020 ja 7040 poasttaide čállojit golut mat gusket biillaide ealáhusa anus (stašunbiillat, gálvobiillat, guorbmebiillat ja personbiillat vuddjon jagis badjil 6000 km ealáhusas). Jus gáibiduvvo geasusvuogaduvvon ovdas, de galgá RF-1125 «Biillaatnu 2013» miellidustuvvot. Guđet jođihit sáhttobiilladahje guorbmebiilla ealáhusa, galget dan sadjái miellidustit RF-1223 «Drosje- og lastebilnæring 2013». Fievrriid verolaš vuolidahttimiid galgá čállit 6000 postii. Geaidnocaggeruhta, bisánangolut ja feargalihput jna. čállojit mátkegollun 7155 dahje 7165 postii.

7080 poasta Biilagolut, iežas biila ealáhusa anus

Jus ealáhusas lea dárkilit čállán biila-anu, de sáhtta ovttalbmofitnodaga iehčanas ealáhusdoalli gáibidit gessosa iežas biilla anu ovdas doaimmas gitta 6000 km biilabuhtadusa máksomeriid mielde. 2013:s lea máksomearri 4.05 kr km nammii. Submi galgá vel čállot iežaskapitaladivvumin 4 siiddu 2057 postii. Dáid háviid ii leat geatnegas addit biilaskovi. ANS/KS/DA jna. eai sáhte atnit dán poastta. Oassálastái mákson buhtadus iežas biilla anu ovdas doaimmas, galgá čállot láigogollun 6400 postii.

7098 poasta El. gulahallan iežas anus

Geahča 6995 poastta bagadusa!

Dat submi mii čállo 7098 postii, galgá čállot iežas atnuiváldimin 4 siiddu 2068 postii.

7099 poasta Ealáhusbiila iežas anus

Dása máhcahuvvo ovdu go ealáhusbiila lea iežas anus dan lánkaai ahte ovdu meroštallo 30 % vuodus, gitta

275 700 kr ja lasihuvvo 20 % dan badjilmanni vuodus. Meroštallanvuoddu lea biilla listahaddi ođasnaga, muhto jus biilla lea boarrasat go 3 jagi ođđajagemánu 1.b. boahtojagis, dahje jus vearromáksi duođašta ahte fidnovuodjin boahtojagis lea badjel 40 000 km, de lea vuoddu 75 % biilla listahattis ođasnaga. El-biillaide lea vuoddu 50 % biilla listahattis ođasnaga. Máhcaheapmi iežas anus ii galgga leat badjil 75 % biiladoal-lama meroštallon oppalaš goluin.

Biiladoallama golut leat duohta doallogolut oktan meroštallon jahkásaš 17 % saldovuolidahttimiin meroštallon biilla listahatti vuodul vuosttas geardde registrerema áigge. Submi galgá vel čállot iežas atnuiváldimin 4 siiddu 2075 postii.

7155 poasta Mátke-/borran- ja biilabuhtadus mii lea almmuhangeatnegas

Dása čállojit buot mátke-, borran- ja biilabuhtadusgolut mat leat almmuhangeatnegasat. Almmuhangeatnegasvuoda haga mátkegolut čállojit 7165 postii.

7350 poasta Ovddastangolut (geasusvuogaduvvon)

Ovddastangoluid dat oassi mii ii leat geasusvuogaduvvon, vrd. Vearrodirektoráhta vearrolánkaásahusa § 6-21, galgá čállot 2051 postii.

7495 poasta Lahttomáksu geasusvuogaduvvon

Lahttomáksu mii ii leat geasusvuogaduvvon, galgá čállot 2052 postii.

7500 poasta Dáhkáduspremiija

Dása čállojit dáhkádusgolut, earret biila- ja bargoveahkadáhkádusat mat galget čállot 7040 ja 5900 poasttaide. (Ealáhusdoalli eaktodáhtolaš lassioadju čállo njuolga vearrodieđáhusa gessosii ja lea 2078 poastta oassin).

7565 poasta Dáhkádus- ja bálvalusgolut

Dása čállojit čoggon/duođaštuvvon dáhkádus- ja bálvalusbarggu golut. Dáhkádus- ja bálvalusgoluid liigudeapmi ii boađe gessosiin.

7600 poasta Liseansa-, pateantagolut ja royalty js.

Dása čállojit pateantaid, liseanssaid ja royalty golut iežas buvtadeami/ iežas vuovdima oktavuodas.

7700 poasta Eará golut, geasusvuogaduvvon

Dása čállojit doallogolut mat eai galgga čállot eará poasttaide.

7890 poasta Negatiivva vuoto-/massinkonttus geasusčállin

Dása čállo gessosiin jagáš massinjuogadas negatiivva vuoto-/massinkonttus. Submi váldo RF-1219 «Vuoto- ja massinkonttu 2013» skovis.

7895 poasta Gávnnahuvvon massimat čavgumušain

Dása čállojit čavgumušaid loahpalaš gávnnahuvvon massimat. Dušše ealáhusa čavgumušmassimat leat geasusvuogaduvvon.

7896 Eará gávnnahuvvon massimat

Dása čállojit visot eará geasusvuogaduvvon massimat omd. massimat šiehtadusain.

7897 poasta Kunddarčavgumušaid verolaš árvonjeaidima nuppástus

Dása čállo kunddarčavgumušaid verolaš árvonjeaidima nuppástus. Submi boahtá ovdan 0320 poasttas dán jagáš ja diimmá árvonjeaidima erohusan.

Jus dán jagáš árvonjeaidin lea stuorábut go diimmá, de galgá erohus oidnot positiivva submin (ovdamerkestaga haga). Jus dán jagáš árvonjeaidin lea vuolibut go diimmá, de galgá erohus oidnot negatiivva submin (minus-ovdamerkestagain).

Kapitalapoasttat

8060/8160 poasta Valuhtavuoitu (agio)/valuhtamassin (disagio)

Dása čállo olgoriikkalaš valuhta čavgumušaid ja velgiiid vuoitu/massin. Galgá čuovvut verolaš regeliid vuoittu/massima meroštaladettiin.

8099 poasta Eará kapitalaboadut mat eai leat čielggaduvvon RF-1084 “Vuolidahttin 2013” ja/dahje RF-1219 “Vuoto- ja massinkonttu 2013” skoviin

Dása čállo ee. dat submi mii galgá čállot boahtun go vearromáksi ii leat deavdán fas investerema eavttuid vearrolága § 14-70 mielde (evttolaš vearroluvven eaktodáhtohis realisašuvnnas). Dása čállo vel badjebáhcaga vej. juogadas ja vej. vearrogeatnegas juogadas dakkár vuoittu realisašuvnnas mii ANS/KS/DA:s lea go oassálastá eará ANS/KS/DA:s. Vearrogeatnegasvuoda haga dahje geasusvuogaduvvoma haga supmit mat gullet juogadasaid realisašuvnnii, čállojit dušše 4 siiddu 2054/2053 poasttaide– iežaskapitala dássemii.

FUOM! Persovnnalaš oassálasti (ovttalbmofitnodat) guhte rehketdoalustis

lea čállán vuoiitu/massima juogadasa realisašuvnnas ja/dahje oassálastilivdnejuvvon fidnu badje-/vuollebáhčaga oasi, galgá dán čállit 0416 postii, geahča dán!

8199 poasta Eará kapitálagolut mat eai leat čielggaduvvon RF-1219 skovis "Vuoito- ja massinkontu 2013" skovis

Dása čállojit golut, massimat ja vuollebáhčagat mat laktásit boađuide mat gullet 8099 postii. Geahča 8099 poastta bagadusa.

9930 poasta Boadus

Dás bohtá dat ealáhusboahu dahje vej. vuollebáza ovdan mii ovttalbmofitnodagain galgá sirdot 4 siidui. ANS/KS/DA, ovtastusfidnut ja eará ášahusat mat atnet Ealáhusdieđáhus 1, sirdet supmi 0410 postii.

Balánsa – verolaš árvvut

Livnnetlága 4 kapihtal váguha buot fitnodagaid mat jodihit doaimma, gárvvistit verolaš jahkeloahpparehkega realisašunprinsihpa vuodul. Ealáhusdieđáhusa balánsa galgá danne čállit vearrolága regeliid mielde, ja vuodđun galgá bidjat verolaš árvvuid.

Ovdamearka: A saldojoavku čállo balánsa 1280 postii joavkku 31.12 saldoárvui.

Jus muhtin fitnodat molsu jahkereketdoallogeatnegasvuodas girjedallogeatnegasvuhtii, de galgá fitnodat addit Ealáhusdieđáhus 1 dan sadjái go Ealáhusdieđáhus 2. Dat veadjá váikkuhit dasa mii galgá čállot boahhtibalánsan. Geahča dárkilat čilgehusa 9996 – 9998 poasttain.

1080, 1105, 1115, 1120, 1205, 1221, 1225, 1239 ja 1280 poasttat – saldot doallobiergasat

Dása čállo iešguđet joavkku saldoárvu submi. Supmiid váldá RF-1084 «Vuolidahttin 2013» skovis, mii galgá ealáhusdieđáhusa miellidustuvvot. Dakkár gárvvestiit saldoárvu, maid árvu loktejuvvui 1.1.84 Finánsadepartemeantta borgemánu 29.b.1984 láhkaásahusa § 1-2 mielde, lea 31.12 saldovuodá ja vuolidahttima vuolit rájja erohus. Vejolaš guoros positiivva saldo (saldoárvu doallobiergasiid haga) galgá maiddá leat dás ja váldot mielde háldoami árvun balánsas.

1130 poasta Viesut, rusttegat, mašinnat huksemis – iežas atnu
Poasta adno go doallobierggas maid lea huksemiin/ráhkadeamen, galgá adnot iežas doaimmas.

1131 poasta Viesut, rusttegat, mašinnat huksemis – vuovdimii
Poasta adno go objekta maid lea huksemiin/ráhkadeamen, galgá vuovdimii.

1295 poasta Vuolidahttinuloš háldoamiit saldovuogádaga boittolaga
Dása čállojit vuolidahttinuloš háldoamiit maid vuolidahttinuloš lineára-laččat. Submi bohtá ovdan RF-1084 «Vuolidahttin 2013» skovis.

1299 poasta Negatiivva vuoiito- ja massinkontu
Dása čállojit supmit mat leat váldon RF-1219 «Vuoito- ja massinkontu 2013» 16 poasttas.

1495 poasta Gálvorájus
Dása čállo gálvorádjosa verolaš árvu – supmi váldá 0170 poasttas. Dása čállo vel vej. guolleárvu guollebiebmanrusttegis. Náhkkealliid ja bohccuid hárrái, geahča sierra bagadusa, RF-1178 «RF-1177 Eanadoallu ja RF-1175 Ealáhusdieđáhus 1 2013 bagadusa» 0165 poastta.

1500 poasta Kunddarčavgumušat
Dása čállo verolaš árvu daid kunddarčavgumušain mat váldojit 0331 poasttas (vejolaš árvonjeaidima gessosa maŋŋil).

1530 poasta Dinejuvvon, buvttarehkega čálekeahates kunddarčavgumušat
Dása čállo árvu, buvttarehkega čálekeahates kunddarčavgumušain mat váldojit 0332 poasttas (vejolaš árvonjeaidima gessosa maŋŋil).

1595/2275 poasta Guhkesáigásaš čavgumušat/vealggit olgoriikkalaš valuhtas
Guhkesáigásaš čavgumušaid ja olgoriikkalaš valuhta vealggit verolaš árvu mearriduvvo vearrolága § 14-5 (5) regeliid mielde, main bohtá ovdan ahte čavgumušaid ii sáhte árvvoštallat vuolibus kursii go vuolimus kursii mii lea jahkeloahpparehketáiggi ja háhkanáiggi. Vástideaddji ii sáhte vealggi árvvoštallat alibui go alimus árvui jahkeloahpparehketáiggi ja loatnaváldináiggi. Realiserekeahates valuh-tamassima galgá rehkenastit realiserekeahates valuhtavuoiitu ektui.

1599 poasta Eará čavgumušat
Dása čállo ee. lassiarvodivat buorrin.

Verolaš iežaskapitála

Verolaš iežaskapitála lea fitnodaga verolaš árvu. Iežaskapitálakonttu dássemis 4 siiddus, galgá 0425 poastta dássejuvvot balánsa 9960 poasttain, verolaš iežaskapitála.

Vearutkeahates iežaskapitála

2095 poasta Negatiivva saldo
Dása čállo 31.12 negatiivva saldo submi dan dahje daid saldojoavkkuide mat RF-1084 «Vuolidahttin 2013» mielde bohtet ovdan dakkár saldoin. Submi lea vearutkeahates boahu.

2096 poasta Positiivva vuoiito- ja massinkontu
Dása čállo submi váldon RF-1219 «Vuoito- ja massinkontu 2013» skovis. Submi lea vearutkeahates boahu.

Vealggit

2200 poasta Fitnodatvealgi finánsaásahusaide
Dása čállo dat vealgi mii meroštallon personboahu regeliid mielde adno «fitnodatvealgin». Mii adno «fitnodatvealgin» lea dárkilat čilgejuvvon RF-1225 «RF-1224 Ovttalbmofitnodagaid personboahu 2013 bagadusa» 2.10 poasttas.

2600 poasta Vearrogeassin ja eará geassimat
Dása čállo vearru mii lea gesson bargiid bálkámáksimiin. Dása čállo maidai vealggolaš doarjageassin jna.

9996 – 9998 poasttat jahkereketdoallogeatnegasvuodas molsut girjedallogeatnegasvuhtii

Jus muhtin fitnodat molsu jahkereketdoallogeatnegasvuodas girjedallogeatnegasvuhtii, de miellidubuktá dat ahte fitnodaga geatnegas ealáhusdieđáhus nuppástuvvo Ealáhusdieđáhus 1:i. Ovddit jagi manibalánsa lea loahpahuvvon rehketdoallolága regeliid mielde. Danne sáhttetge šaddat boddosaš erohusat. Dat bohtá ovdan RF-1217 «Forskjeller mellom regnskapsmessige og skattemessige verdier» skovis, mii de lei diimmá ealáhusdieđáhusa miellidusin. Dalle ferte ráhkadit divvojuvvon boahhtibalánsa. Divvon verolaš iežaskapitála (9960 poasta) galgá boahhtit ovdan 9998 poasttas.

Ealáhusdieđáhusa 4 siidu

0401 – 0403 poasttat

Poasttaid galget atnit dušše ovttaolbmofitnodagat, ja dat čielggadit daid poasttaid mat galget sirdot vearrodieđáhussii ja RF-1224 "Ovttaolbmofitnodaga personboadnu 2013" skovvá

0401 poasta čájeha ealáhusboadnu olles submi (dahje vuollebáhčaga) sirdon 2 siiddu 9930 poasttas. 0402 poastta A kolonnas čielgejuvvo makkár ealáhus(-at) jodihuvvo(-jit). «ID» kolonnas galget iešguđet ealáhusat (jus jodihuvvojit mánnga ealáhusa) dađistaga nummarastot. Seamman lohku galgá biddjot RF-1224 «Ovttaolbmofitnodaga personboadnu 2013» «ID» rubrihkii.

FUOM! Ealáhusat mat vearrologa FIN láchkaásahusa § 12-20-1 vrd. § 10-42-3 mielde, galget personboadnu oktasaččat meroštallat, galget seamman loguid atnit! Omd: Jus doaimmahuvvo riidenguovddáš, opmodatsoabadandoaibma ja láigohandoaibma, ja dat guokte manjimučča leat hui lahkalgaga sisdolaččat ja ekonomalaččat, de nummarasto ná: Riidenguovddáš (1), Opmodatsoabadandoaibma (2), Láigohandoaibma (2).

0401 poastta lohku sirdo B kolonnii. Jus jodihuvvojit mánnga ealáhusa, de biđgejuvvo lohku ja juogaduvvo guoski ealáhusaide.

C kolonna gusto dušše eanadollui, vuovdedollui ja boazodollui – geahča RF-1178 «RF-1177 Eanadoallu ja RF-1175 Ealáhusdieđáhus 1 2013 bagadusa».

E kolonna galget buot iehčanas ealáhusdoallit deavdit. Jus anát eanet linnjaid 0402 poasttas (almuhuvvojit mánngga ealáhusa bohtosa), de galgá juohke badjebáza sirdot vearrodieđáhusa 2.7 postii. Juohke vuollebáza sirdo vearrodieđáhusa 3.2.19 postii. «Sirdon vearrodieđáhusa poasttanr.» kolonnas galgá juohke submái, badjebáhčagii/vuollebáhčagii, čállot olles nummar vearrodieđáhusa 2.7 ja 3.2.19 poasttaid dan rubrihkii masa submi čállo.

0402 poastta E kolonna supmit galget sirdot RF-1224 1.1 postii. Supmit daid ealáhusain main lea seamman «ID», galget oktii biddjot ja sirdot oktasaš RF-1224:i. RF-1224:s galgá divvut daid kapitálapoasttaid mat eai galgga personboadnu meroštallanvuodus mielde. Geahča dán birra personboadnu meroštallanskovi bagadusas (RF-1225).

Jus gáibiduvvo boadnu juogadit beallelaččaid dahje logahallon guimmežiid gaskka, de adnojit F ja G sajit. Badjebáhčaga juohkin galgá dábálaččat vástidit beallelaččaid bargoarjii ja oassálastimii doaimmas. Doaimma vuollebáza galgá biddjot dan beallelažžii guhte lea doaimma ovdasvástideaddji oamasteaddji, dahje goappašiidda jus goappašagat leaba ovddasvástideaddjit. Meroštallon personboadnu juogaduvvo RF-1224:s, ja beallelaččat deavdiiba ovttas dušše ovttá gáhppáloga dán skovis.

0410-9940 poasttat galget ovttaolbmofitnodagaid dáfus adnot iežaskapítála dássemii

Vai oážžu rivttes dássema, de galget daid poasttaide čállot dušše dat supmit mat leat rehketdollui čállon.

Jus muhtin ovttaolbmofitnodat lea rehketdoalus váldán mielde boaduid/vuoittuid dahje vuollebáhčaga/massima mat laktásit oassálastilivdnejuvvo fidnu juogadassii(-dasaide), de galgá dat čállot **0416 postii**. Raporteren vejolaš vearrogeatnegas boaduid mat leat ANS/KS/DA oktavuodas, galgá leat RF-1221:s "Deltakers oppgave over formue og inntekt i deltakerliknet selskap 2013" njuolga vearrodieđáhussii.

0410-9940 poasttat galget ANS/KS/DA ja ovttastusfidnuid dáfus adnot jagáš bohtosa meroštallamii

0411 poasta Vearrogeatnegas fitnet ossosiin jna.

Oassálastilivdnejuvvo fidnuide ja ovttastusfidnuide maidda luvvenvuohki gusto vrd. vearrologa § 2-38, lea fitnet mánngga oktavuodas vearuheapme. Eaktun lea ahte fitnet lea lobálaččat juogaduvvon iige boade fidnus masa gustojit okta dahje moadde spiehkastaga mat vulobealde leat namuhuvvon. Jus fitnet leat vearuheapme, de ii galgga dat čállot 0411 postii.

Fitnet dakkár fidnus man ruovtturiika lea vuollevearrioriika olggobealde EEO, ii leat vearuheapme. Vearrowluvven iige gusto fitnegii árvobábirinvesteremiidda eará fidnuin maid ruovtturiika lea EEO olggobeale riika. Dán oktavuodas lohko oasupoasta árvobábirinvesteremin jus oasusoamasteaddji guđege áiggis 2 jagi siste lea oamastan uhcit go 10 % kapitálas, dahje das lea leamaš uhcit go 10 % jienain dan juogadeaddji fidnu jahkečoahkkimis. Regel guoská

dan fitnegii maid lea vuoitán namuhuvvon 2 jagi áiggis. Vuoitánigemuddu lea dábálaččat jahkečoahkkinnmearrideamis.

Oassálastilivdnejuvvo fidnuin ja ovttastusfidnuin ii leat suddjengáibáduš (vrd. vearrologa § 10-12) vearrogeatnegas fitnega ovddas mii almmuhuvvo 0411 poasttas.

0414 poasta Vearrogeatnegas vuoiu/geasuvuoigaduvvon massin ossosiid jna. realisašuvnnas

Oassálastilivdnejuvvo fidnu (ANS/KS/DA) ja ovttastusfidnu čállot dasa dušše massima ja vuoiu ossosiid, árvobábirfoandda ja/dahje vuodfoandaduodáštusa realisašuvnnas mat leat **vearrogeatnegasat** ja váldon RF-1059:s «Aksjer og fondsandeler mv. 2013».

Oassálastilivdnejuvvo fidnu (ANS/KS/DA) ja ovttastusfidnu mat leat realiseren ossosiid mat gullet luvvenvuohkái, vrd. vearrologa § 2-38, **eai leat vearrogeatnegasat** vuoiu ossosiid jna. realisašuvnnas, ja fertejit váruhit ahte massin dahje vuoiu **ii čállo** dása.

Jus fidnu leat rehketdollui čállán fitnegiid ja/dahje vuoiu mat leat vearuheamit dahje massimiid mat eai leat geasuvuoigaduvvomat, de ferte daid supmiid čállit 2053 ja 2054 divvunpoasttaide vai dásse šaddá riektá.

0415 poasta 3 % vearuhis boaduin luvvenvuogi mielde

Dása čállo vearuheapmái 3 % fidnu netto vearuhis boaduin luvvenvuogi mielde vearuheapmái. Dát siskkilda fidnu daid boaduid:

- ossosiid jna. fitnega
- oassálastilivdnejuvvo fidnu (KS, ANS jna.) juolludeapmi .

Seamma áigodaga vuoliduvvo boadnu geasuvuoigaduvvoma haga massimiin luvvenvuogi mielde.

0416 poasta

FUOM! Dušše ovttaolbmofitnodagat devdet dán

Poastta eai galgga oassálastilivdnejuvvo fidnut (ANS/KS/DA) ja ovttastusfidnut atnit. Jus fidnu lea oassálasti eará oassálastilivdnejuvvo fidnus, de galget vearrogeatnegas/geasuvuoigaduvvon supmit mat laktásit oassálastigaskavuhtii, čállot 8099/8199 poasttaide – geahča daid!

Geasuvuoigaduvvoma haga massin dahje vearrogeatnegasvuodá haga boadnu mat laktásit juogadasaid

realisašuvdnii, čállojit 2054/2053
poasttaide – iežaskapitála dássemii.

9940 poasta Jahkeboadus

Jus ANS/DA dahje KS leat sádden dieđáhusa, de galgá poastta sirdit RF-1215 «Selskapsoppgave for deltakerlignet selskap 2013» 110 postii.

Ovttastusfidnuide mat leat fitnodat-registarar ovttastusfidnun (SA), dahje mat jodihit dohkkehuvvon ovttastus-prinsihpaid mielde vrd. ovttastuslága boddosaš regeliid § 163, galgá 9940 submepoasta čájehit olles vearrogeatnegas ealáhusboadnu ovdal vejolaš gessosiid mañjemáksima ovddas vearrol. § 10-50 mielde. Dát mearkkaša ahte mákson ja/dahje várrejuvvon mañjemáksin (bonus) ja eará juolludeamit oasseoamasteaddjiide/miellahtuide maid ovttastusfidnu lea mearridan, eai galgga gessot 9940 poastta bohtosa mearrideamis. Geahča muđui 0270 ja 0280 poasttaid bagadusa 1 siiddu.

Ovttastusfidnut main ii leat geasusvuoigatvuohta mañjemáksima (bonus) ovddas, sirdet supmi RF-1028 «Selvangivelse for aksjeselskap mv. 2013» 201 postii. Vuollebáhčagis sirdo supmi RF-1028 222 postii.

9980 ja 9985 poasttat gustojit dušše ovttastusfidnuide – geasus mañjemáksima (bonus) ovddas

Dihto ovttastusfidnut sáhttet gáibidit gessosa ealáhusboadus mañjemáksima (bonus) ovddas vrd. vearrol. § 10-50. Dát guoská čuovvovaš fidnuide:

- geavaheaddjiovttastusaide
- sisaoastinfitnuide mat juogadit ovdagihtii dinggojuvvon gálvvuid miellahtuidasaset gaska
- fidnuide mat dušše dahje eanaš: juogo 1) ostet vuoddoávdnasiid, doalloneavvuid eanadoalu, vuovdedoalu dahje guolástusa atnui 2) šiehtadit buktagiid miellahtuid eanadoallo-, vuovdedoallo- dahje guolástusdoaimmas dahje 3) náláštuhttet buktagiid miellahtuid eanadoallo- dahje guolástusdoaimmain.

Dákkár ovttastusfidnuin galgá 9940 submepoasta čájehit olles vearrogeatnegas ealáhusboadnu ovdal juogadasoamasteaddjiid/miellahtuid juolludemiid vejolaš gessosiid. Dát mearkkaša ahte mákson ja/dahje várrejuvvon mañjemáksin (bonus) ja eará juolludeamit juogadasoamasteaddjiide/miellahtuide maid ovttastusfidnu lea mearridan, eai galgga leat mielde 9940 poastta bohtosa mearrideamis. Geahča muđui 0270 ja 0280 poasttaid bagadusa 1 siiddu.

Ealáhusboahu, gálvojohtu, vuoládus, bonus ja eará juogadeamit almuhuvvojit dás lád haga.

Liigudemiid ja juolludemiid gessosat juogadasoamasteaddjiide/miellahtuide čállojit 9980 postii ja vuolidit ovttastusfidnu vearrogeatnegas ealáhusboadnu 9985 poasttas.

Ovdagihtii dáhkiduvvon oastinfitnet/vuoládus geavaheaddjiovttastusas ii lohko mañjemáksimiin vrd. ovttastuslága § 31 ja § 27. Geavaheaddjiovttastus geassá ovdagihtii dáhkiduvvon oastinfitnega/vuoládusa ealáhusboadus ovdal 9940 poastta bohtosa meroštallama.

Ovdagihtii dáhkiduvvon oastinfitnet/vuoládus geavaheaddjiovttastusas, ii galgga čállot 9980 postii.

Jus ovttastusfidnus leat mearriduvvon juolludeamit ja liigudeamit mañjemáksimii (bonus), mat leat badjil alimus ovttastusgessosa vearrolága § 10-50 mielde, geahča 280 poastta, de galgá dat mii lea badjilmanni máhcahuvvot vearrodieđáhusa (RF-1028) 233 postii.

9985 poastta submi sirdo RF-1028 «Selvangivelse for aksjeselskap mv. 2013» 201 postii. Vuollebáhčagis sirdo supmi RF-1028 222 postii.

2051 – 2079 poasttat

Dát poasttat leat erenoamážit ovttaolbmofitnodagaid ektui, muhto daid fertejit vel árvošteami mielde oassálastilivdnejuvvon fidnut ja ovttastusfidnut atnit dan muddui go dárbbášuvvo čájehan dihtii rivttes dássema. Ollislaš

atnuiváldimat/juogadeamit oassálastiide (earret bargobuhtadusat mat čállojit 5600 postii) galget ovdamearkka dihtii dás oidnot.

Iežas konttu čielggadeapmi

Dát lea iežaskapitalalihkadeami 0422 poastta čielggadeapmi. Dása čállojit doaimmaheaddji atnuiváldimat ja iežas golut, mat leat čállon doaimma rehketdollui. Iežas goluid ii galgga čállit boadusrehketdollui, muhto iežas konttu ektui.

Ovdamearka:

Golut elektrovnnalaš gulahallamii mat leat verolaččat geasusvuoigaduvvon, čállojit 6995 postii «Kantorgolut, golut elektrovnnalaš gulahallamii, poastamávssut jna.» Jus iežas goluid elektrovnnalaš gulahallamii lea máksán doaimmas, de čállojit dat 2068 postii. Jus 7099 postii, «Ealáhusbiilla iežas anus» lea čállon makkárga submi, de čállo seamma submi 2075 postii.

Ealáhusgolut geasusvuoigatvuođa haga/iežaskapitála divvumat

Dása čállojit golut/boadut mat sáhttet leat rehketdollui čállon, muhto mat eai galgga váikkuhit verolaš boadnu, omd. geasusvuoigaduvvoma haga lahttomávssut ja skeaŋkkat, vearuhis boadut, ealáhusdoalli buohcoruhta jna.

Dás galgá maiddái divvut eará poasttaid, mat leat čállon ealáhusdieđáhusa 2 dahje 3 siidui, mat váikkuhit verolaš bohtosa rievdatkeahhtá iežaskapitála dahje nuppegežiid.

Dat guoská ee.

- Geasučállon ruovttukantuvrii

- Iežas biilla atnui čállon gessosiin ealáhusas

- Jagáš guolleárvvu nuppástussii guollebiebmanrusttegis. Dán suorggi vejolaš árvolassáneapmi čállo 2058 postii ja árvovuolideapmi 2059 postii. Náhkkeealliid ja bohccuid birra, geahča RF-1178 «RF-1177 Eanadoallu ja Ealáhusdieđáhus 1 2013 bagadusa».